



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De  
Sacramentis In Genere, Et In Specie, Et De Censuris Et Irregularitatibus

**Antoine, Paul-Gabriel**

**Ingolstadii, MDXXXIV.**

**VD18 90392167**

Q. 7. Ex quâ Confessione contrahitur obligatio Sigilli?

**urn:nbn:de:hbz:466:1-41032**

*Resp.* II. Confessor interrogatus, an pœnitentem absolverit, respondere debet se officio functum esse, non autem absoluisse: alioqui enim id affirmans de uno & non de altero, indicaret denegatam absolutionem: & sic indirecte revelaret Pœnitentis indispositionem, aut peccatum reservatum. Quare eadem debet esse responsio pro omnibus pœnitentibus, quos absolvit & quos non absolvit. Hinc dum danda sunt testimonia Confessionis auditæ; debet Confessor testari solum se audiisse Confessionem talis.

Porrò et si regulariter ita respondendum sit, non potest tamen damnari Confessarius, qui dicit se aliquem absolvisse, quando nullum est periculum pro aliis: quia hoc nullo modo est contra Sigillum, nec potest reddere Confessionem odiosam. Quod si Sacerdos vocetur in jus à pœnitente, ut rationem reddat denegatæ absolutionis, testari debet se nullum in hac exigenda ratione Superiorum agnoscere praeter Deum.

*Q. 7. Ex qua Confessione contrahitur obligatio  
Sigilli?*

*Resp.* Contrahitur ex omni & sola Confessione Sacramentali. Confessio autem censetur Sacramentalis in ordine ad inducendam obligationem Sigilli, quæ ex intentione se accusandi secundum institutionem Christi, in ordine ad absolutionem aliquando obtinendam, sit ei, qui bonâ fide creditur Judex legitimus,

mus, etiamsi non sequatur vera absolutio quâ-vis de causa. Hoc enim necessarium est ad securitatem Sacramenti.

Hinc Sigillum obligat 1. Etiamsi Confessio facta sit Laico, vel Sacerdoti non approbato, quem Pœnitens bonâ fide putat esse Sacerdotem & legitimum Judicem: nam defectus hujus obligationis cederet in detrimentum Confessionis validæ, quæ inde minus secura redderetur, propter periculum ne quis malitiosè fingat se Sacerdotem approbatum, aut se esse posset cum non sit. 2. Etiamsi Sacerdos non habeat intentionem conficiendi Sacramentum & absolvendi. Alioqui Pœnitentes possent facile decipi, & metus hujus deceptionis multos deterret a Confessione, obessetque securitati Sacramenti. 3. Etiamsi pœnitens confiteatur sine Contritione & voluntate recipiendi absolutionem; sed tamen cum intentione se Sacerdoti tanquam Dei Ministro subjiciendi & accusandi, vel ut ab eo aliquo modo adjuvetur, & dirigatur in ordine ad id, quod deesse judicat, ut possit absolutionem aliquando obtinere: nam ex communi, talis Confessio quoad effectum inducendi Sigillum est Sacramentalis, licet non sufficiat ad valorem Sacramenti.

Econtrà non contrahitur obligatio Sigilli ex Confessione, quæ sit solùm ex intentione irridendi, decipiendi, vel inducendi Confessarium in peccatum; aut si extra Tribunal quis dicat se, id quod narraturus est, committere

**Sigillo Confessionis:** quia obligatio Sigilli est annexa soli Confessioni institutæ à Christo, vel ei cuius revelatio in Confessionis à Christo institutæ detrimentum cederet.

Hinc oritur solum obligatio secreti naturalis ex eo quod aliquis committens secretum Sacerdoti, dicat se illud ei committere sub secreto Confessionis, & Sacerdos sic admittat. Ita S. Th. in 4. dist. 21. q. 3. a. 1. q. 3. ad 2. nam secretum Confessionis religiosum, soli Confessioni proprium est. Addit Sylvius hanc admissionem non carere irreverentiam Sacramenti, cum nullum arcanum possit secreto Confessionis equiparari.

**Q. 8. Quinam contrabunt obligationem Sigilli?**

**Resp.** Ii omnes, qui immediate vel mediate, licite vel illicite, habent ex Confessione Sacramentali notitiam rei cadentis sub Sigillum: nam ii omnes tenentur secreta servare ea, quorum revelatio redderet Confessionem onerosam ac odiosam, & ab ea homines deterret. At si homines scirent aliquos tales posse aliqua ex Confessione cognita revelare, aversarentur Confessionem, & ab ea averterentur. Præterea cum quid prohibetur, prohibentur omnia quæ sequuntur ex illo. Reg. 39. Jur. in 6. Igitur securitas ac reverentia Sacramento debita exigit, ut quævis notitia per Confessionem solam quovis modo parta nunquam possit communicari sine expressa licentia pœnitentis, ne Sacramentum reddatur difficultius & odiosum.

Hinc